



老稼齋集
地

~ 18
2452
2



2424
2452
2

老稼齋集卷之二目錄



詩

麗春花

菽苒

芍藥

山礬

俗名老論材一名七里香
一名藝一名玉藻花二首

海棠

俗名
山茶

木蓮

薔薇

玫瑰

玫瑰即俗名海棠種類頗
多花有淺深重單之別

老稼齋集

梅花

杜鵑一名映山紅

菊

山躑躅

蓼花

秋海棠自中原出來性喜陰一見日色即悴

繡毬花一名粉團俗名佛頭立夏後芒種前開與倭躑躅同時

辛夷花

萱一名忘憂草

紫薇花俗名百日紅中國省院中多種之樂天詩紫薇花對紫薇翁者是也

瑞香花俗名丁香

倭躑躅

石竹花有紅白紫淺深之別數十種

八月十四日曉起望哭

八月十五日夜憶仲氏二首

卽事三首

鄰兒折野菊而至取一枝挿瓶中

中秋

偶吟二首

新齋夜坐次李涿

夕涼亭次李溪

寄題湛華軒 五首

還讀齋次李溪 二首

李溪欲以九日歸關雨復留遂書示

九日感懷書示李溪

夕雨霽月明

重陽翌日聞祐病有加入城 三首

成陵觀獵書示具體川志叔 三首 癸未

士敬內子尹氏挽 四首

訪仲氏新屋屋在文谷深村中處地幽深且有

小溪可引為池

次叔氏題還讀齋韻

觀獵入妙積山中遇重興僧海眼記昔壬子冬

余做進士會試工夫棲重興月餘始與海眼

相見距今已三十五年中間聲息邈然不相

聞今忽見之俱各驚喜遂呼韻同賦 丙戌

過高陽深川韓進士汝重故居有感

聞士敬墮馬傷臂乘夜往訪梅花盛開呼燭引

觴笑語良久既歸士敬以五言律見寄輒次

其韻一往一來遂成三疊

訪定而室中所藏小梅形體可愛遂戲賦絕句
五首略寓諷意

潤卿草堂題石陽正畫竹障用東溟集中韻

夜踰狐峴

李秉謙挽四首

趙定而將赴光山過訪郊居翌日送扇求畫又

書一絕見示遂次其韻並畫扇歸之三首

見金顯甫書遂和前所寄詩三首

迨和顯甫所示悼亡韻除夕在栗北墓下作三首

次顯甫寄敬明韻

次顯甫贈光山韻

時光山遭臺評將遷歸故以此詩寄光山仍示顯甫

除夕夜中大風

次洪重聖君則寄示韻

又次松字

開歲四日入城訪士敬至楓溪留宿閱其詩稿

有昨年所作屬余詩遂次其韻戊子

次張司業詠西將韻二首

次李宜遠塞下詩韻

次林寬少年行韻

次沈佺期關山月韻

隴頭水 二首

巫山高

折楊柳

鷹九首

戰城南

昭君怨 二首

長信宮 詩次唐韻

紫騮馬 詩次唐韻

自洪川歸至迷原聞士敬以明日乘舟上官喜
而有作

閏月初一日陪伯仲兩兄各乘小舟觀魚三洲

敬明魚舜瑞濟侄俱從遊聯句

又次聯句韻

次魚舜瑞韻

前題

道峰書院

遊回龍寺聞仁甫曾題詩石間感懷次韻 二首

又次前韻別魚舜瑞先歸

次魚舜瑞韻

自回龍還道峰洞口別舜瑞先歸

月夜出詠歸門步溪上

道峰記遊

酬魚舜瑞用開字韻紀回龍遊詩二首

羅左尹挽己丑

訪士敬于太古亭追次賞月見懷韻庚寅

士敬乘舟見訪心臺同賦涼字

次叔氏遊東山池韻

水紅亭謹次叔氏韻

東郊雜詠辛卯

秋事五首

過鐘巖

菜把

平生

冬雷

睡覺

掩關二首

霜月終夜皎然不寐有賦二首

禪日悼懷

獨坐

不寐雜詠七首



向鹿川望水落山

朝起

往西隣問病

夕景

大雪

霽景奇絕與彥兒立池邊二首

過青寧橋

宋史二首

喪馬

苦憶三首

可悲二首

納冰二首

松禁二首

少日

我愛

小石門在海

普門庵在江華西

憶普門庵

麥庄三首

人有

老圃齋集

卧聽

伐水 二首

亡妹忌日

社倉巡警

未必

調鷓

得蓮相曆書

大患

自悼

蓮表

五

古劍

尊位

與方老圍碁

茫茫

夢窩 伯氏

三洲 仲氏

百淵 叔氏

圃陰 弟昌 緝號

澤齋 弟昌 立號

自詠

老圃齋集



日暮

送盛全歸青川

懸弧 二首

稼齋 四首

極寒

昨日

暮坐

夕涼亭

老稼齋集卷之三目錄

老稼齋集卷之三

詩

麗春花

紅羅素紙問誰裁
菜圃中間芍芍開
單瓣輕盈尤有態
儼如蝴蝶乍徘徊

菽苒

巍然異彩殿春光
已遣羣花各效芳
恰似千官皆就列
方瞻日表御明堂

芍藥

芍藥之花麗且幽
土肥能使起重樓
淺深紅白無常



種始信人切造化侔

山礬

俗名老論材一名七里香一名芸一名玉蕊花

切卽山礬狀玉蕊佳名不一亦何妨春深芬馥遍山野又爾宜稱七里香

其二

野有幽花世莫聞叢榛苞櫟與爲羣染家只解充礬用玉蕊芸香誰更分

海棠

俗名山茶

無端被喚作山茶可笑真名借與他從來世事多如此難怪閑花有謬譌

木蓮

深山綽約冰雪姿木末芙蓉非爾誰莫道在昔無稱著忠州使君已有詩

薔薇

薔薇自有數般種我國黃花最見重沿籬且喜能蔓延引架還須剪煩冗

玫瑰

玫瑰卽俗名海棠種類頗多花有淺深重單之別

深紅數種揔鮮明黃色又聞在北京看君亦自非庸品不妨還冒海棠名

梅花

寒天獨立絕纖塵空谷依然如玉人終古畫工摹不
得孤山一句獨傳神

柱鷓一名映山紅

柱鷓元有映山號迎著春風爛熳開惡日喜陰何氣
性帶花移活亦奇哉

菊

秋來嘉菊散芳榮五色盈庭不辨名收拾落英皆入
甕酒成先擬酌淵明

山躑躅

踈姿幽態類芙蓉多在陰崖伴古松枝幹亦奇堪作

杖削皮全似赤蚪龍

蓼花

婀娜其花在水涯虛亭危石映相宜秋深露白芙蓉
冷繞岸嬌紅纍纍垂

秋海棠

自中原出來性喜陰一見日色即悴

愛爾枝端裊裊花紫莖丹葉亦堪誇慙不遣秋陽
曝益面青苔映白沙

繡毬花

一名粉團俗名佛頭立夏後甚種前開與倏躑躅同時

繡毬渾似雪花團綴得重重亦可觀遠映青林應得
地移來不必近庭闌

辛夷花

長條厚葉喜繁生紫萼崔嵬大似髻
瑣瑣微芳何足數木蓮為弟玉蘭兄

萱

一名忘憂草

其花燁燁葉猗猗一植塔庭逐歲滋
此草果為忘憂物不應吾髮盡成絲

紫薇花

俗名百日紅中國省院中多種之樂天詩紫薇花對紫薇翁者是也

紫薇雖艷太支離百日繁花尚戀枝
正似中書老學士遲回不去鳳凰池

瑞香花

俗名丁香

瑣瑣花開簇紫丁學枝一種擅香名
誰知十里沈檀氣却在庭前數朶英

倭躑躅

京洛園亭幾處開千錢難換一根栽
憐渠却在衡門下奇艷徒然映草萊

石竹花

有紅白紫淺深之別數十種

庭前野草有開花石竹為名亦自嘉
五色變成千百種可憐終不帶紛華

八月十四日曉起望哭

五更雞初鳴落月明孤村窮民起
痛哭清淚灑柴門

哀哀思往事孤憤正煩冤奸臣自逞計天道可復論
薄譴聊塞責往往猶朱軒公然享高年牖下弄子孫

八月十五日夜憶仲氏

病後高齋靜簾前好月明秋光今夜半老感百年并
墟墓歸人盡池臺過鴈鳴江樓定依舊腸斷憶表兄

其二

獨坐聞來鴈詩成欲二更月寒陂水定霜落葦花輕
寂寂梧桐影啾啾蟋蟀聲人生幾今夜萬感倚東楹

卽事

秋陽已入楹隱几小齋明野逕連荷芰柴門卧稻秔

築場田父至賣酢浦商行時物堪驚喜開窓菊折英

其二

遠樹煙初暮前村燈已明得魚池下笱買米雨中城
暮雀柴荆意吟蟲老圃情幽居添白髮俛仰遣浮生

其三

林皋延夕望鳥雀各西東野色秋收半人家落照同
樵蘇問市價酒飯見村風忽憶陶彭澤家貧醉菊藜
鄰兒折野菊而至取一枝挿瓶中

野菊何處發鄰兒折來嬉幽人借一枝正與小瓶宜

中秋

中秋近寒露處處釀新粳節愛佳名立村欣舊俗成
招要醉鄰社絡繹上墳瑩霜月床前滿稼齋獨卧情

偶吟

山野氣清廓端居悵寂寥不知燕去日惟覺鴈來宵
圃蔓冬瓜嬾籬花露菊驕空齋觀萬化感歎自成謠

其二

荏苒觀時物蕭條生野情老瓠霜後斲小麥社前耕
鄰釀邀人去村醫遣馬迎詩篇聊復爾千古晒空名
新齋夜坐次李涇

秋天意寥落獨坐賦閑居稍獲山川曠風高草木踈

濁醪迎菊早霜月照場初小屋移燈火柴荆轉翳如

夕涼亭次李涇

虛亭秋色好向晚一來過小港搖寒葦方塘澹夕波
野清聞鴈遠木落見山多溪客留連久夜涼聽獨哦

寄題湛華軒

茅齋臨小澗柳暗水泠泠谷裏聞村犬窓中見嶺星
過僧時借榻寒鼠自遊庭獨坐吟佳句世人那得聽

其二

愛爾身無累棲遲一澗扉飽聽流水響慣見怪禽飛
摘果時相餉談詩忽忘歸自今來往熟知我入城稀

其三

妙積峰前路幽栖柳下扉蒼烟一澗遠黃葉四山飛
把卷臨溪讀垂綸遇雨歸松軒卧超忽塵事到庭稀

其四

人烟時斷續山谷遠清冷鶴鶴分投樹漁樵每見星
寒峰當小牖灌木繞閑庭不羨朱陳事塢篔隔澗聽

其五

君居水木勝每想意泠泠澗枕常秋雨書燈共曙星
林中養青鶴案上有黃庭木客頻來往吟詩許竊聽
還讀齋次李漣

楚楚雙松下新成一小堂紙窓陽漸近燈火夜初長
四壁無書畫單居有几床蕭然把白酒黃菊滿瓶香

其二

搖落村墟夕踟躕眺望青春關倚孤杖秋水照閑纓
昨夜霜鴻過誰家寒杵鳴長歌意無極野月向人明
李漣欲以九日歸關雨復留遂書示

九日何愁寂空齋雨不開淹留湛華子可共濁醪杯
藜桂山中濕黃花郭外堆踟躕方歲晏離合亦悠哉

九日感懷書示李漣

一酌奠虛座三年九日迴風流竹林遠時物菊花開

癡叔淚空落良朋散不來東溪舊詩伴寂寞向山回

夕雨霽月明

月出散庭菊高齋寒雨晴青燈竹窓閉黃葉石床平
薄酒聊佳節新詩自後生夜深仍獨坐雙鬢最能明
重陽翌日聞祐病有加入城

九日已虛度高秋愁復生無罇對黃菊有路入寒城
容易村烟夕逶迤野水明鐘巖賣酒老頻怪小驪行

其二

出門黃葉滿我馬向西鳴寂寂擬高卧忽忽復此行
野空餘碧萊山迴帶朱城每見終南色憂端幾日平

其三

逢人多帶醉關廟夕陽曛野曠三峰列村平十里分
吟詩驢入郭送目鴈橫雲來卧心臺宅寒鐘悵獨聞

成陵觀獵書示具體川志叔

癸未

伊昔追遊是幾年相逢鬢髮各蒼然呼鷹妙積峰前
路並轡歸來謂我賢

其二

君騎欵段我黃牛去入春山一路幽喚出前村柳忠
義草間壺榼暫淹留

其三

春山獵罷卧蒲團真是浮生半日閑
避近村醪成一醉萬松晴雪拓窓看

士敬内子尹氏挽

淑氣鍾閨房恭人稟其粹爲婦忠孝門甚稱壺度備
至行與高識無媿古女士楓溪三十年窈窕友君子
朱轡亦一從縞綦不改初有兒克稱家割股感里閭
義方此可徵彤管不足書

其二

人生多纏綿百年猶踟躕矧伊夫婦恩變故在斯須
死生與去留依依兩牽掛父病未及省婦孕未及待

平生所嬌女未算遺君去當言未及言終古所悽楚
吾欲竟此歌嗚咽不成語

其三

依仁弼雲下夫子與我親心臺與楓澗樽酒互主賓
園林一徑捷往來婦女同十年見存沒陳迹次第空
誰知栗北隴松檟復密邇恭人所歸處我妻已先竢
婉戀平生好萬古聚蒿里

其四

翳翳經日雪渺渺揚山隴祖載不可留鈴歌已互動
哭聲沸中闈丹旒出里閭平生華屋居去此將焉如

卽事但遑遑來日轉悽惋池塘餘冰泮園樹幽禽喚
悄然撫往跡惻惻空長歎

訪仲氏新屋屋在文谷深村中處地幽深且有

小溪可引爲池

吾兄置屋處一壑自呀然密樹交村徑清溪入稻田
無人知福地種果自多年杳杳東峰外還聞有瀑泉

次叔氏題還讀齋韻

永日高蘿繫我房半床書帙一爐香窓前寂寂鷹將
老簷外飛飛燕正忙隱几真成形似木閉門須判鬢
如霜可憐城市經旬滯歸臥方知味更長

觀獵入妙積山中遇重興僧海眼記昔壬子冬

余做進士會試工夫棲重興月餘始與海眼
相見距今已三十五年中間聲息邈然不相

聞今忽見之俱各驚喜遂呼韻同賦

丙戌

寒天逐獸入深山莞爾高僧識我顏三十年前讀書
客却慚形役不曾閑

過高陽深川韓進士汝重故居有感

龍淵潭水綠潏潏此地曾遊三十春携酒煮花如昨
日主人松下已成塵

聞士敬墮馬傷臂乘夜往訪梅花盛開呼燭引

觴笑語良久既歸士敬以五言律見寄輒次
其韻一往一來遂成三疊

灼爍新梅下開尊酒復清參橫春夜久窓靜燭花明
世事應同幻詩篇謾寄情此身猶外物臂折不須驚
再疊

入室梅如雪高人枕席清春光真邂逅夜景覺虛明
對酒憐同病看花感老情坐聞微雪下庭樹鳥頻驚
三疊

春梅滿樹雪爛熳不妨清虛室添生白華燈却讓明
影斜生畫意標迥起詩情表白南鄰客回頭意若驚

訪定而室中所藏小梅形體可愛遂戲賦絕句

五首略寓諷意

梅花與芙蓉君意何深淺莫將冰雪姿錯比淤泥產
定而愛妓
名芙蓉

其二

梅花不自銜處君一室中芙蓉爲人採何在能守紅

其三

漫道梅花好梅花不易知迎春不妄笑高處應在茲

其四

梅花有何恨不與主人言所恨主人癡巫山枉斷魂

其五

客又謂梅花可能從我徙梅花歛衽謝願爲知己死
潤卿草堂題石陽正畫竹障用東溟集中韻
灘翁筆下竹成林水墨蒼茫古色深微雨草堂留遠
客此君應解作春陰

夜踰狐峴

果川纔過已黃昏店舍懸燈各閉門激激亂流無數
渡夜深微月射堂村

李秉謙挽

姑氏無年每痛傷對君猶喜婉清揚誰知人事還如

許十六年來再斷腸

其二

兩世仍無一塊遺養家餘禍轉堪悲淒涼先廟裸將
日共我周旋更有誰

其三

秋水精神玉雪姿清羸一疾竟無醫傷心壁上迎春
帖猶是斯人手寫詩

其四

此去應無返面期西河至痛慰何辭他時詩禮從誰
問腸斷閑庭草色滋

趙定而將赴光山過訪郊居翌日送扇求畫又

書一絕見示遂次其韻並畫扇歸之

十載東臯偃仰情肆然自謂傲公卿送君今日令人羨瑞石清秋五馬行

再疊

白首相看少日情同時詩句獻春卿君為太守吾田父濁酒黃雞送遠行

三疊

作吏風塵豈素情當年題柱是長卿為君扇面摸何物倦鳥閑雲可此行

扇中畫淵明撫孤松圖故及之當年題柱是一作曾將駟馬待

見金顯甫書遂和前所寄詩

故人高卧楚雲中環堵蕭然映菊楓慚媿尺書勤問訊定憐身世略相同

其二

年來萬事不留胸真箇頽然一老翁梅死蘭萎都不管一書非向故人慵

其三

惆悵空齋聽雨聲向來吾已獲君情寄詩莫恠無相和腹裏深悲寫不成

顯甫曾以悼亡詩見示過一年不能報故及之

追和顯甫所示悼亡韻

除夕在栗北墓下作

寒天飛雀暮相追
匹馬荒原獨去時
親愛滿山皆宿
草白頭堪恨此生遲

其二

依依殘月入窓明
耿耿寒宵獨卧情
一夢分明猶不
易此生何況下他生

其三

草齋燈火夜深明
萬感悽然集我情
孤枕五更還起
坐滿山枯樹曉風生

栗北墓下小屋號草齋除夕曉大風

次顯甫寄敬明韻

人去床空覺簾長
眼看庭宇日荒涼
就中更有傷心

處舊物時逢篋笥藏

次顯甫贈光山韻

時光山遭臺評將還歸故以此詩寄光山仍示顯甫

故人鳧鳥棄南州
白眼何堪遭俗流
惆悵花開千萬
疊愁應雲外一回頭

除夕夜中大風

一年變異不勝書
星隕冬雷地震俱
此日此風在恠
事未知天意欲何如

次洪重聖君則寄示韻

端居日夕對庭松
隱几頽然萬事慵
習氣未能忘暮
獵營爲併擬廢春農
古梅半死花猶着
歲酒新芻味

最濃詩社故人衡宇近野烟溪月許相從

又次松字

手種庭前老大松閉門頭白著書傭閑切籬外頻開
沼拙業田間且守農鷹出松溪寒野曠樵迴水落暝
烟濃知君亦自名漁隱宛在蘆原可徃從松溪一作鹿川

開歲四日入城訪士敬至楓溪留宿閱其詩稿

有昨年所作屬余詩遂次其韻戊子

黃昏城外客喬木澗西臺此來看酒食徃跡有蒿萊
巖戶寒燈晦冰泉曉響哀明朝非我日世故莽相催
次張司業詠西將韻

失路陰山北孤軍迫虜營短兵湏一接輜重遣先行
隴草翻旗影河冰振鼓聲行收遍野畜落日入長城

其二

日暮驚沙起臨河下夕管竒兵半夜出歸使間道行
古戍黃榆色邊風白草聲烟塵問何處西北是龍城
次李宣遠塞下詩韻

算車赴遠戍九月出榆關塞鴈飛初盡遼河去不還
射鵬行暮磧放馬卧秋山虜兵知己近鳴鏑落雲間
次林寬少年行韻

宅已分人盡塲猶結客開名聲三輔聞意氣五陵來

劍借荆卿去車載季布迴羞從七貴輩鞍馬治章臺

次沈佺期關山月韻

一片秦時月長城帶苦輝悲歌起迴戍壯士在重圍
風急金波動霜多桂影微高樓夜夜望幾處待人歸

隴頭水

隴水常嗚咽從來已有名濕雲穿玉塞流月向金城
暗石車輪礙橫冰馬骨驚試將羌笛弄難寫斷腸聲

其二

隴坂行未至先聞隴水鳴如何出塞路有此斷腸聲
飲馬冰旋合磨刀月已傾惟應寄雙淚嗚咽向東行

巫山高

蒼蒼三峽內秀色異羣山壁勢青冥上江聲雲木間
清猿不可聽暮雨渺難攀爲問悲秋客荒臺幾往還

折楊柳

濯濯春楊柳遙看是綠烟東風灞陵上朝雨渭城邊
絲弱真堪織枝柔不勝鞭欲知相贈意珍重惜流年

鷹

神鷹不在大毛骨自精竒捷疾偏能擊沉雄且受鞿
天高側腦處風過竦身時惡鳥驅除盡何嘗但爲飢

其二

八月風颯起胡鷹意氣豪秋空萬里眼霜雪渾身毛
樛木鴉相噪平原影獨高縱橫恣搏擊不願錦爲條

其三

塞外新鷹至參差纈錦毛乍揚知翮輕迥坐覺肩高
掠兔翻寒草追禽落遠臯從來無不獲何事更喚熬

其四

神鷹在架上側坐勢軒豪十字黃金趾初陳雪色毛
兔愁三窟內鵬徙九霄高自負飛揚技湏君一鮮條

其五

鷲鳥亦無數蒼鷹獨不羣出巢天北極盤影海東雲

刷翮神逾整凝眸志不分臂來向原野毛血落紛紛

其六

植立錦鞞上神姿特地豪尾齊松鷗翮背雜海青毛
向夕鳴鈴遠翻風望羽高雲霄歛餘勇還下就鋌條

其七

栢子胸前點梨花背上毛調來惟畏瘦放去不憊高
寥廓寒蕪日陂陀積雪臯應知得意返先路舞雙螭

其八

白翎海鳥名

世誰識神俊愛者亦徒豪秋水凝雙眼蘆花飄異毛
白翎飛海濶蒼栢護巢高何意充君玩青絲繫作條

其九

黑栢參天樹蒼鷹雜水毛初飛墮巢早獨立占枝高
落日青齊海寒雲靺鞨皐飄然萬里意肯下伴羣獒

戰城南

虜矢下如雨陰風撲面沙將軍自擊鼓壯士盡埋車
落日多空騎荒原有亂鴉誰將郭北事歸去報官家

昭君怨

每送鴻歸漢常憐月照秦鶯花舊宮夢冰雪異方春
漫奏琵琶怨長為沙塞塵都由妾薄命不敢恨圖人

其二

自古有薄命還應似妾稀風沙萬里遠羅綺一身微
淚積臙脂暗魂驚朔雪飛同來漢家使明日却辭歸

長信宮

次唐詩韻

春來門尚閉盡日坐深宮枉被蛾眉妬曾辭鳳輦同
燕巢金殿遍苔上玉階窮向夕開簾看庭花半逐風

紫騮馬

次唐詩韻

躩蹠紫騮馬來從金市東飛花隨躑足高柳繫嘶風
價恐千金少行應萬里窮權奇有如此肯數大宛驄

自洪川歸至迷原聞士敬以明日乘舟上官喜
而有作

騎牛下蘆嶺冒雨至迷原午飯縣倉底茅茨傍頽垣
村南有大山蒼翠雄且尊主人爲余指是山卽龍門
踰此五十里縣治臨江干太守適乘舟明日來上官
聞此喜欲顛起望西南間欲往路已左攬轡徒盤桓
鳴琴應在携新詩有幾篇依依路傍柳爲君再三援
歸來緘此辭遠寄鈴齋前太守亦何人是我平生親

閏月初一日陪伯仲兩兄各乘小舟觀魚三洲

敬明魚舜瑞濟姪俱從遊聯句

春湖日暖杏花開三隻漁舟盪槳來大有泛泛波中
離又合遙遙灘上去仍迴伯氏淵魚巧脫橫江網沙

鳥翻過近岸杯舜瑞倚棹高吟多逸興不知遲景已
西頽敬明

又次聯句韻

輕舟初待玉壺開佳客還隨沙鳥來夕網偏多臨岸
曬風帆大抵溯灘迴花飛應上春潭鰕江濶思添落
日杯縱棹忽疑凌倒景湖心蒼翠華山頽落一作水

次魚舜瑞韻

三月桃花水相將放小舟岸巾橫急瀨聯句在中洲
細草汀堪步微風柳莫收春江終日泛白鳥亦無愁

前題

綠野羨陰澗青山牛尾開
船遊良偶爾春望更悠哉
樹老危亭在湖長晚帆來
芳鐫倒已盡共戴葛巾迴

落句一作三洲繞已過相與棹歌迴相與或作沿岸

道峰書院

深入桃花瀑水涼高山仰止意何長
尤翁筆健巖飛動靜老祠清
樹鬱蒼院飯新炊茗澗菜獵人追至薦
山梁重來往事渾如夢依舊溪聲滿此堂

遊回龍寺聞仁甫曾題詩石間感懷次韻

共愛清流坐石間春花滿洞澹忘還
停盃惆悵知何事仁甫題詩在此山

其二

翠壁丹崖異世間緣溪遠去欲無還
同行不用愁飢渴芳木清泉自滿山

又次前韻別魚舜瑞先歸

來訪桃花半日間問君何事却先還
極知絕境難孤住且待月明看碧山

次魚舜瑞韻

兩崖桃花樹溪回有一橋聞鐘精舍近
對酒翠峰遙澗卉紛幽矚巖泉隔世囂
行行採社若遊袂異香飄自回龍還道峰洞口別舜瑞先歸

春林氣氤氳下有芳草地清流縈其間滿谷桃花被
遊人入遠峰愛此還復至朝來灼灼英向夕稍已墜
開尊坐石上兀然望山翠奈何城東子與我不同醉
騎馬出山去人間有何事人歸蘿月盈徒使不能寐

月夜出詠歸門步溪上

高齋夕飯罷諸生各掩扃山月從東來松影漸滿庭
獨徃向何處去聽幽澗聲豈少永日遊愛此芳夜清
陰陰立竒峰耿耿散春星緣源欲遠去徘徊策屨停
溪虛嵐翠積院靜梨花零歸來夜已深窓燈向青熒

道峰紀遊

我居在東臯朝夕望道峰佳遊偶有詩今日理我筇
微雨濕春服濛濛自遠松良鷹在馬前二子俱願從
行行近谷口碧澗來淙淙下馬入紅門緣崖草芳茸
隱隱雞犬聲春林信幾重人家在深處高下桃花穠
籬落儼相映田疇橫復縱同行相顧喜異境於焉逢
拂石開我壺遊興頗從容仰觀萬丈峰亭亭挿芙蓉
下有靜庵祠肅穆森檜楹俎豆餘百年儒林所同宗
整衣詣中庭再拜展敬恭少憇枕流堂水石相撞舂
西崖華陽筆架若虬龍蹤伯父八分古相對森劒鋒
丹彩煥一谷難爲苔蘚封氣像有可想悚然起我慵

憶昔遊此日氣溢紅顏半走馬遺玉簪回首笑凡庸
往事不足道俛仰成龍鍾諸生出相揖青衿意肅雍
家姪先已至爲我具朝饗亭午霽景羨相携向回龍
佳朋如期至好事愜幽悰緩步入深蘿時見綠潭溶
兩崖若丹青中峰空翠濃懸流界壁脉異卉綴巖縫
繫馬一古松遙尋精舍鐘山僧迎客坐澗菜烹以供
鳴鳩繞古塔落花積頽墉春物自可愛何須際秋冬
嗟我多塵勞半世事佃傭茲遊始蕭散雲霞盪煩胸
傲然玩天地安知物非儂冥搜躡康樂隨喜慕何顯
願言永栖遲爲我謝老農

酬魚舜瑞用開字韻紀回龍遊詩

入谷鳥相喚逢花樽屢開雲林藤老矣崖寺逕危哉
古塔同僧在春泉滿笕來山深白日永僕馬亦忘迴

再疊

春遊逢霽景洞裏翠嵐開山菜方柔止桃花甚異哉
緣溪一逕遠隨杖兩兒來願學龐公隱蒼苔卧不迴

羅左尹挽已丑

投筆名門出登壇衆望歸利芒盤錯試清節蘂冰持
再起雲中守長留峴上碑時危矢大將朝野共齋咨
訪士敬于太古亭追次賞月見懷韻庚寅

茂樹生涼月清池散火雲於焉坐亭子忽若去人羣
煩抱從君寫高談到夜分愀然懷往事感緒亦繽紛
士敬乘月見訪心臺同賦涼字

高閣聞鐘歇翛然客在床分君太古月助我洗心涼
清景猶堪駐浮生却自忙介湖離思動衰白欲神傷

次叔氏遊東山池韻

活水沙爲岸汪汪不自持天涵鏡面濶風度穀文奇
松翠森相映蓮峰廻欲隨藏舟今不見俯仰一吟詩
水紅亭謹次叔氏韻

縹緲青山郭澄明百畝池高低相映發臨眺轉清奇

綠岸看荷廻紅亭待雨遲閑雲與浮鴨簾外共逶迤

東郊雜詠

秋事 辛卯

昨日高風今日暄晚因看穫過前村家家蘿蕝臨流
洗一道清渠引到門

其二

偶過東村打稻塲移時住杖立籬傍主翁莫恠無因
至要看農功致幾箱

其三

今年秋事慰生平西舍東鄰打稻聲聞說家家困已

滿更看餘稼大如京

其四

黃雲委野不勝收日日腰鎌醉且謳已識城中米價賤商來無不要錢酬

其五

夜深松火照場隈細數乾禾積作堆更喚田奴飯牛早明朝收拾芥菘來

過鐘巖

路上人家黃葉間蕭然籬落近秋山何人解作畫圖看去馬來車過等閑

菜把

菜把何曾直一錢紛然詎笑競趨前窮儒渾體同灰冷自笑如今熱欲燃

平生

平生懶甚不成詩近日時吟聊自嬉人間信有可笑事學士看來亦稱奇

冬雷

十月轟雷非少異年年慣聽却恬然東郊野老心偏弱起坐中宵獨不眠

睡覺

睡覺常常在四更須臾始聽遠雞聲卧尋詩句仍無
寐西舍晨卷又已鳴

掩關

賣菜歸來便掩關此翁誰記在田間但令舉世皆忘
我不必移家更入山

其二

整頓羣書盡拂塵木牀撤去設蒲茵盆梅入後無餘
事擬掩柴門坐至春

霜月終夜皎然不寐有賦

墻桑亭柳影重重霜月柴門卧老猶睡覺五更誰與

語每憐西舍有晨卷

其二

喔喔咿咿雞正催喪車隱隱出城來北邙路向門前
過每聽薤歌去不迴

禫日悼懷

荒涼木主寄空房頭白阿翁獨斷腸祭罷闔門天未
曉滿庭微雪謾彷徨

獨坐

寒房掩卷坐如癡靜看窓櫺日影移羣雀每憎傷我
稼却憐簷外凍相依

不寐雜詠

古來何處有堅城
秦豨夏蒸皆浪營
莫詫千金成一堵
嗷嗷八路盡疲氓

其二

千金散在越與燕
夜把牙籌不得眠
得利雖多勞亦甚
豈如城外種瓜田

其三

吾看賣柴意最豪
得錢歸輒醉村醪
肯似城中大商賈
千金在慮但煎熬

其四

田連阡陌又多錢
一生不喫亦不穿
問君將欲活幾許
恐亦無過一百年

其五

得祿皆欣失祿嘆
盍思貧士本無官
應將此理看生死
未有身時亦等閑

其六

一身無凍亦無飢
借問營營復爲誰
大抵世間愁歎事
細思其故在妻兒

其七

路逢白髮老官負
烏帽猩袍製得鮮
借問與情猶在

否歸家只合弄曾玄

向鹿川望水落山

寒蕪漠漠日平西路繞荒墟又傍溪天半暮峰時引
領憶同諸子上雲梯

朝起

寒房不捲夜來裯欲往西隣懶復休忽憶何年風雪
日臂鷹三坐過揚州

往西鄰問病

開門新雪皓盈睇壓得前階竹盡低來訪西鄰方掩
戶虛簷凍聚一羣雞

夕景

出看烟雪暖寒空老樹虛亭黯淡中欲喚兒來共清
賞小橋埋盡不相通

大雪

西掩東村雪盡埋茫茫阡陌路難開直疑至治皞熙
世雞犬相聞不往來

霽景奇絕與彥兒立池邊

園松池柳盡玲瓏越陌兒來喜色同共向夕涼亭畔
立四望如在玉壺中

其二

鳳頂香城覺穢形
眼中丘垤盡瑤瓊
竒觀莫道非真實
天地由來亦幻成

過青寧橋

十七年間來往地
因緣已斷馬橋坊
生憐死棄阿翁恨
落日寒冰舊路傍

宋史

白首窮廬老進士
卧教兒子讀宋記
聽到靖康氣如山
令人却憶丙子事

其二

童年扼腕志伊吾
懨懨如今病且殂
偶見宋史忽驚

起龍王廟下失驕胡

喪馬

漢犂山上千里種
虛死東郊亦可傷
後人倘作駿骨看
不恨如今棄道傍

苦憶

苦憶阿兒何日迴
今冬又盡我心哀
篋中著述生塵蠹
欲檢幾回不忍開

其二

我亦時忘汝豈迴
故知魂夢亦踈哉
老婆咫尺相隨
否定恠阿爺久不來

其三

歲暮荒林雪亦深汝墳元自在凌陰寒暄地下何由
問老父無眠血滿衾

可悲

民雖願贖法須筭設禁本意應若斯捉繫貧兒求錢
出今之官府事可悲

其二

一村喧動摘奸來殺狗烹雞侑酒杯畢竟今番亦依
例明朝須納孔方迴每春秋監後摘奸一次
捧錢八百文謂之依例

納水

揮斧成風自歎嗟斲成方玉瑩無瑕只是官負嫵厚
薄好不須用孔方些

其二

負冰三日積如山不畏窖深只畏官賴有人情十六
貫先開社穀給貧殘藏水時用社穀換錢充人情
又給貧民役糧謂之給貧殘

松禁

為糾山直出別牌軍門羅卒又從來轉益防奸轉生
弊何如且整紀綱頽

其二

頽綱欲整務何先大要官負不愛錢清白方為民所

畏令行禁止不期然

少日

少日春遊亦放顛踏橋狂走不知眠當街醉打玉壺
破驚倒長安萬少年

我愛

我愛龍卿非俗物高歌縱酒幾相將社稷門前終日
飲僧迦寺裏浹旬狂

小石門

在海南

平生遊歷到今論勝絕無如小石門巖竇冽泉應未
竭不知冬柏尚能存

普門庵

在江華西
煤島中

普門何在海雲邊我亦他年一寄眠坐看寒潮來又
去千人石上老高禪

憶普門庵

船浮井浦乘潮動鐘在煤洲隔岸聞最憶小樓觀落
日老僧遙指浙江雲

麥庄

白雲山下買荒田種粟治桑度五年老夢不知人事
異至今頻到歇庵邊

其二

打麥巖邊一草廬茫茫人事只堪吁當時手種門前
樹聞說如今半已枯

其三

弟圃兄園相接連通籬共汲一流泉往事分明誰與
憶時同貴益涕流漣貴益農巖庄奴

人有

人有貪財世共鄙不知貪勢甚於財東郊老圃閑無
事冷眼看來獨自吟

卧聽

卧聽薪馱過松橋却想金門有早朝貴賤雖懸勞豈

異滿鬚冰雪走中宵

伐冰

我屋雖寒自有衾連宵穩卧豈安心鄰舍無衣五更
起負冰相與赴凌陰

其二

終歲辛勤飽未曾三冬生理負薪蒸雪後亦知柴易
售且宜同力伐官冰

亡妹忌日

水閣雲過三十年老兄今日尚頑然何人更識吾心
事卧送寒宵淚似泉

社倉巡警

仰視寒空星動芒三更初盡四更長頻呼見否無人
應巡遍前村又到倉

未必

未必深憂在越燕山東盜賊諱相傳紛紛白刃還閑
事攘攘黃巾豈但然

調鷓

向來豪氣尚嶙峋千里求鷹必俊神漸老低垂真可
歎却調鷓子捕鷓鴣

得蓮相曆書

此老城中斷往還曆書猶不後人看還將餘件分鄰
里欲託交遊有大官

大患

大患無如譽過情爲詩不必要人驚君看老漢窮如
此亦得當年富者名

自悼

以而不學老頽然擔閣吾生五十年却有因循是所
長因循遂至雪盈顛

蓮衰

我有方池但種蓮何來雜草蔓相纏水深泥濁根難

拔歲暮空詩獨漉篇

古劍

已矣吾生今已休寄身農圃雪盈頭壁間雄劍知無用不忍持來便換牛

尊位

一村尊位職雖微教化鞭笞皆有之且勉我兒恭視事是猶爲政不須辭

與方老圍碁

梅花如豆着枝枝倚几閑題兩首詩病後初逢方老至小窓晴雪共圍碁

茫茫

茫茫穹壤有斯頑并載樅村寄靦顏種菜澆花聊復爾傍人還謂我身閑

夢窩 伯氏

一曲平丘寄小窩散栽松菊滿山阿城中駟馬歸何日歲暮天寒雨雪多

三洲 仲氏

羨上絃歌不復聞三洲逝水自云云空江獨有羣鴻宿夜夜悲號滿雪雲

百淵 叔氏

陟岡唯見萬重雲兄在何山鹿豕羣空憶歇庵同枕
塊中宵杖血語云云

圃陰

弟昌緝號

老屋數間在圃陰可憐吾弟閉門深床書寂寂三年
病時有諸生問字尋

澤齋

弟昌立號

寂寥殘稿竟誰憐壯志堂堂十八年重澤舊齋何處
問卽今犁作木綿田

自詠

千金華屋在城中充棟圖書付網蟲駿馬鳴琴何處

去青門今作賣瓜翁

日暮

日暮人間萬事悲稼齋久掩蓼莪詩平生玉洞晨昏
樂尚有依然入夢時

送盛全歸青川

駿馬名姬隨處在千金散盡亦還來惟有人間父子
愛重泉一隔幾時迴

懸弧

懸弧壯志亦何如縱目山下萬里餘莫道中華文物
異白頭猶勝守窮廬

其二

鴨江西畔是遼城
匹馬榆關半月程
買取薊州數斗酒
燕京市上覓荆卿

稼齋

稼齋非是愛吟詩
欲罷不能又寫之
自詠自歎聊自遣
不知我者謂我癡

其二

稼齋非是愛吟詩
說得平平不務奇
後世子雲誰復待
秖應今日寸心知

其三

稼齋非是愛吟詩
牽動胸中袞袞悲
俚說閑談徒感慨
百篇詠罷一嘘噫

其四

稼齋非是愛吟詩
盈地盈天盡是詩
觸境成章無可擇
吾從何處更求詩

極寒

連旬積雪得薪艱
四壁生冰不敢嘆
臥想城中四萬戶
幾人今夜免呼寒

昨日

昨日已過明日來
稼齋懷抱幾時開
悠悠天地無窮

老稼齋集
恨欲往深山痛哭回

暮坐

暝烟寒雀各柴荆古木重重月未生
獨坐高齋四壁靜遠聞歸馬度橋聲

夕涼亭

春關牢落歲將闌凍斷陂渠有敗萑
雪後虛亭人不到一村寒雀聚闌干

老稼齋集卷之三

老稼齋集卷之四目錄

詩

我生

四驕

尺布

喜鵲

臘後三日

開門

填箎

歎安上舍子柔

綠



夕吟

憶龍門僧

夢亡女

北里

立春日題心臺

夜坐閣詩

青軒守歲四首

歲時屠牛壬辰

歸庄

稼齋

戲疊堪字和德以二首

挽梁進士擇之昌平人

宗會席上

次趙定而坤維臺韻臺在天冠山可望漢擘

雜詠二首

伯氏生日小會後次志感韻

次德以韻

次士敬韻

次趙定而遊天冠韻二首

與敬明養謙濟謙彥謙明行春行卑謙遊水落

賦來字

次敬明韻

下山

次伯氏志喜韻

叔氏在白淵見譚稀兩韻以寄遂疊其韻更寄

二首

自城中暮歸到門知巖兒已歸二首

次信兒水山詩

次叔氏來矢庵韻三首

元月初四日大風始作至七日不止初六七極

寒

次魚舜瑞韻

疊魚舜瑞韻

李監司子東海朝挽四首

尹長水丈挽

陪叔氏太古亭同宗冠童共十餘人

同敬明遊道峰宿枕流堂

八月初一日集心臺同賦高字會者叔氏敬明

定而士敬士敬將赴楊麓之任俞仲剛鄭厚

卿族姪仲平道以時佐族孫純行趙明斗家

姪濟謙厚謙家兒彥謙信謙二首

次叔氏韻贈別士敬赴楊縣

又贈士敬二首

士敬辭朝夕來宿

次士敬韻

夜坐贈士敬

心臺夜卧

憶圃陰東遊用前韻

族兄盛後氏挽二首

族孫夏行挽

七月晦夜夢見士敬賦圃陰哀詩覺而不能記

仍輾轉不寐時余病卧東庄叔氏將歸雪嶽

有約歷別病懷悽悵遂有斯作

示誠仲九首

次士敬楹字

再疊寄遠心庵四首

次士敬

訪遠心庵疊前韻

集遠心庵次士敬韻

遠心庵同賦臺字

次申正甫靖夏三首

蔡兵使以章挽

次叔氏移枕心臺漫吟韻三首

再疊前韻二首

謹次叔氏曉塲冷雨念病兒傷敗用前韻抒憂之作

又和前韻

謹次叔氏次放翁韻二首

謹次叔氏又次放翁韻

謹次叔氏過妙寂洞口韻二首

謹次叔氏曉吟韻

曉次放翁枕上偶成韻

乍同彥兒觀穫前野疊前韻

次放翁秋夜韻二首

次放翁感秋韻

往西疇畊小麥歸路過佛堂

翌日往新屋視種麥倦卧少睡鄰客有來問此

屋當歸何子

日暮歸家得京信

用前韻和伯氏二首

和李士復喜之

次杜詩秋興韻八首

漫吟

同厚姪次放翁與兒輩夜坐韻

次放翁早秋韻二首

次厚謙圃陰感懷次唐人韻

厚姪往藤溪為送百淵之行也歷宿東庄共次

唐人韻

又次放翁韻

次山海關秀才李養和海樓韻

次遠心庵韻示士敬兩以族姪時潤二首

到反聽軒為純行待榜次主人韻時寤齋在坐

論其胤科作得失仍及少時塲屋事故頸聯

及之寤齋定而號

心臺要定而仲平士敬小集兩以純行伺之臘

月二十夜也士敬先送竹盆使童子抱琴隨

至賦一律遂用其韻同賦

廿八夜再集次叔氏寄定而韻

贈竹樹趙使君行竹樹綾州號

贈趙定而竹樹之行二首

求物輸盡權門一席需

喜鵲

大權應是在布衣鞍馬色直如市歸近來變異頗聞
否白日人爲喜鵲飛

臘後三日

獵後三日和舒始看融雪滴前除銀臺綠萼俱無
恙惻惻難忘水底魚

開門

開門雪出四嶙峋卧疾二旬始岸巾獨立高軒何所
望寒郊十里往來人

填箎

石串詩成示圃陰填箎自幸有知音詩家格法非吾
事語或粗通試一吟

歎安上舍子柔

綵

炭火心腸冰葉身自將腹笥貯經綸數間破屋山城
下虛老清時慷慨人

夕吟

送歸醫客復關門籬雀啾啾日已昏點檢稼齋今日
課却忘盥水沃花盆

憶龍門僧

雪消庭畔蒼巖大
潮滿樓前落日紅
惆悵高僧難再
見凌霄花老海雲中

夢亡女

平生鮮有展眉時
夢裏欣然復爲誰
應識乃翁思念
切病中頻作悼懷詩

北里

北里高門巨宦多
薰天富貴亦如何
奴臂豪鷹庭有
鶴更聞深屋貯嬌娥

立春日題心臺

華屋時歸舊主人
滿園松翠自清新
虛窓盡日支頤

坐閑看城中萬戶春

夜坐閱詩

君自揚山我自城
春關今夕是新正
相逢白髮論何
益詩在燈前且細評

青軒守歲

青軒圍燭意無聊
要致雲岡慰寂寥
却憶雪山千疊
裏作何懷抱度今宵

其二

滄桑閱盡各霜髭
只歎頑然不歎衰
表明發不眠同耿
耿有懷堪詠宛鳩詩

尚記西廂擲餅年
朴權諧謔恣依然
當時會者存餘
幾最少吾今雪滿顛

其三

其四

一盤麪果燭火前
鄰客辭歸我亦眠
雞唱數聲人語
動已知身入壬辰年

歲時屠牛 壬辰

歲時十日放私屠
血肉狼藉遍街衢
沽譽之政胡不
改始作俑者是凶徒

歸庄

乞藥邀醫不耐煩
脫然歸去卧吾軒
滿樽酒待龍卿
倒盈軸詩逢士敬論

稼齋

稼齋謾吟亦支離
率口狂言徃徃危
從此卷懷投我
筆一胸磊磊酒澆之

戲疊堪字和德以

空房獨卧自能堪
壁掛頭巾架掛衫
縱使出門何處
徃隔墻猶有老宮監

其二

稱作教官大不堪
此身初未着朝衫
家人却羨他家

富徃徃起家一縣監

挽梁進士擇之昌平人

瑞石山前綠竹林今人還有古人心幽居寄在丹青
裏悵悵高蹤何處尋

宗會席上

授几老堂上長筵皆我金氣和冬日暖歡溢酒樽深
夜燭應須秉寒花尚可簪後來應勿替世世但如今

次趙定而坤維臺韻臺在天冠山可望漢陂

天冠羣山冠坤維南極維高疑踏鰲背俯可唾鵬池
老柏龍應化遙樓蜃所為壯觀知有助詩語倍瓌奇

南極臺上有老柏一樹蓋千年物云

雜詠

匹夫慕卿相卿相慕侯王侯王慕天子天子慕長生
乃知人之慕層層無窮極所以五千言只欲使知足
舉世鮮知此哀哉亦迷惑

其二

小富笑巨富有錢不會使觀其所自爲了無與彼異
菲食與惡衣慼慼愁將匱誰知未死前其財固不盡
請君且自反無笑他人吝路有帶索翁聞此應一哂
伯氏生日小會後次志感韻

人生對酒不須悲
蟋蟀山樞古有辭
憑几且膺黃髮
祝柱門方與赤松
期茅峰敢望同時
舉棣萼深知半
樹衰會待東山歸
卧日升堂更賀一
深危

次德以韻

喜日天初雪
高堂酒是春
斑衣繞膝侍
落色逐年新
庭鶴閑呈舞
園松老似人
叔兮今白首
獻壽莫辭頻

次士敬韻

樂聖含杯日
揮金會客年
古人猶可慕
此道豈徒然
酒熟關門後
車懸 賜杖前
戒盈神所喜
胡不福悠
綿

次趙定而遊天冠韻

逢君聽說九精庵
始信神山不止三
鐵塔湧空青
鶴守乳泉盈
竇白鰐酣月明
鮫室聞僧梵
風暖仙花滿
佛龕直入滄溟
知幾里天光看
盡老星南
居僧喜種花諸庵皆

其二

嵌爲巖洞曲成隈
三百精庵百水開
直恐方壺流却
去忽疑天竺遠
飛來天晴漢
翠一點島海拍
坤維千尺臺
多謝使君雲外
約雙鳧同去
又同迴

與敬明養謙濟謙彥謙明行春行早謙遊水落

久識玉流勝曾無十里間貽書起病弟并馬入寒山
轉轉松蘿客行行笑語閑留連應到夜乘月宿禪關

賦來字

東林有佳處夢想久悠哉偶值秋冬際閑携弟姪來
翠孤雲壁立金漾碧潭開先輩多遺跡傷心已綠苔

次敬明韻

翠岫方舍雨丹楓已過秋初逢石潭麗轉入洞天幽
危棧隨僧度孤庵借榻休觀心如可學頭白願仍留

下山

夜宿在翠微起來雲滿衣高僧一笑別萬木獨穿歸

碧岫晨霞蔚紅淙夜雨肥回瞻烟霧窟已隔幾重扉

次伯氏志喜韻

閉戶相看老疾侵名山回首幾悲吟看君少愈騎能
出顧我雖衰興可禁雪瀑金潭同歎賞迴峰幽壑競
登臨適來且置麟溪事兒軟兄孤只攬心

叔氏在百淵和譚稀雨韻以寄遂疊其韻更寄
永矢庵中謝世譚雲山漠漠萬重遮攀援自有玉孫
桂物色初無漁子花舊書携去仍成隱居士隨來共
棄家病弟東郊空悵望北風愁殺未同車

其二

雪滿鄰庵乞火稀巖居歲暮草爲衣
構棚屋後看熊掛求食庭前有鹿歸
舉世皆歌招隱反在阿終信告人非
谷名五歲流傳久悵望前脩意不違

自城中暮歸到門知巖兒已歸

馬毛如蝟北風侵我亦懷詩凍不吟
沿道雪深高酒直近城薪盡有松禁
柴荆寂寞水渠斷几閣玲瓏竹月臨
却喜癡兒歸我室雪山千疊免關心

其二

板屋何憂風雪侵深居飽煖但謳吟
海魚如土來相續巖桂爲薪斫不禁
瓊峰只在庭前見碧澗時從飯

後臨聽得山中事事好汝歸終覺降余心

次信兒水山詩

遠識清暉異初來薄暮尋已知宜卜築
未覺屢登臨絕壁蒼而秀小江澄不深
漁舟與草閣是我百年心

次叔氏求矢庵韻

梅月遺蹤世罕知吾兄今復隱於斯
蒼杉斫處仍成屋瓊岫圍來不用籬
鹿豕與遊羣豈亂維摩相守志無移
山高莫道無薇蕨翻喜巖阿種粟宜

其二

絕境飛禽或不知何曾耕鑿及於斯
抱來黃犢初加

耒種得青瓜亦上籬花開葉落春秋換雲晦霞明朝
暮移採葛爲衣衫覆室山居事事愧便宜

其三

地塌天崩非所知幽居未矢不違斯雲梯石扇忘來
路木圃芝田懶插籬楓岳五看門遂掩韋編三絕榻
無移東峰萬疊純如玉蘿幌寒來面勢宜

元月初四大風始作至七日不止初六七極寒
開歲四朝大風作直至人日吹不息蓬蓬四起無定
方八表氛曠同一色陂塘慘澹堅冰裂籬落離披老
柳仄土膏始融還復凍田家已判麥不食稼齋老人

守環堵三日悲吟出不得東鄰西舍盡掩戶屋茅飛
去散南北去夜栗烈酷於冬朝聞行人死路側床頭
水仙亦已萎雖有爐火不得力立春雨水將交節玄
冥夙曩無已忒死生窮達非我預何況天時誰復測
且將歲酒傾餘瀝袖手寒房坐默默

次魚舜瑞韻

悲喜紛紛揔妄塵嗒然孤榻返吾真樽留濁酒聊迎
歲房有寒梅不解春五朔沉綿且觀化千金散盡却
成貧狂吟百絕非無意却恐兒曹笑殺人

疊魚舜瑞韻

掛却頭巾壁上塵柴扉不出懶成真深深隴麥青無
恙採採田蒿藹已春擁褐謾論千古事傾困思濟四
鄰貧甘心白首田間死不向朱門訪故人

李監司子東 海朝挽

歷落湖南伯國士定無二如劔有干將如馬有騏驎
又如千丈松磊砢有節日施之大厦用終非棖楠屬
惜哉止於斯百身不可贖

其二

頽然七尺身胸中無宿物酒酣吐高詠鏗爾清廟瑟
逸調自家傳希音更天出紆餘大堤曲浩蕩瀛洲作

好詩今則亡天地悵寥廓

其三

憶昔駱山下逢君方引觥玉山何魁岸頗有竹林情
對之令人喜便欲倒家釀此事非齷齪至今不能忘
惻惻黃壚感如何在俛仰

其四

叔世友道喪嬉笑以爲昵惟君獨反是面冷肝腸熱
淡然君子交豈在言刺刺所以款曲惠遠及踈賤士
此事今難見感我更下淚

尹長水文挽

柴市成仁萬古悲公爲當日所遺兒新資纔拜仍乘
化薄廩曾支未救飢胡運番看百年盡親顏尙向九
原知在歌大耋優遊樂天道惟應報在斯

陪叔氏太古亭同宗冠童共十餘人

不醉楓溪歲幾經三池流水自泠泠臨墻老栢雲來
黑對閣高崖雨洗青先像肅清開廟宇後生森秀匪
階庭盛衰哀樂無窮事頭白還來倚古亭

同敬明遊道峰宿枕流堂

出郭聞佳禽幽期在遠林今朝偶晴景數子亦同心
日落春山潤花明澗道深懸燈宿高閣清夜正沉沉

八月初一日集心臺同賦高字會者叔氏敬明

定而士敬士敬將赴楊麓之任俞仲剛鄭厚
卿族姪仲平道以時佐族孫純行趙明斗家
姪濟謙厚謙家兒彥謙信謙

心臺門逕久蓬蒿今日何辭醕我醪把臂莫非同里
舊掀髯猶是少時豪蓬萊熟路雙飛鳥燕市輕裝數
尺刀我卽送君君送我東西征役較誰勞

其二

東家美酒紫葡萄玉碗斟來飲我曹鮮取古人常秉
燭誰能今夕苦揮毫醉同兄弟知難得老適幽燕恐

太豪驚逝蟬號還卽事愀然注目遠山高定而携紫

次叔氏韻贈別士敬赴楊縣

君於世事久成聾拙宦真同鷓退風衙眷却留雙鶴
後縣齋遙在萬山中江流雪峽通深碧楓葉金剛到
恰紅符綬未應拘逸興况聞終日訟庭空到一報

又贈士敬

花源深處縣門蔽小尉如仙坐印傍崖蜜割來如雪
白松芝斲得滿雲香民如野鹿驚斯走吏似淵魚察
不祥百里但成清淨理詠梅看鶴也無妨看一作調

其二

區區小縣在深山此去君何喜動顏蠟屐遍行紅樹
裏蒲鞭可掛白雲間取人所棄為清福舉世皆忙占
獨閑應笑青門賣瓜老短衣跨馬向燕關

士敬辭朝夕來宿

皂盖泥秋雨青門宿我廬不嫌門有草所愧飯無魚
款款論詩密依依勸酒徐斯為萬里別焉得不躊躇

次士敬韻

寧知我輩髮皆皤可歎光陰劇逝河一氣往來寒又
暑幾番哀樂哭還歌文章八斗終何用爵祿千鍾未
足多爭似全家武陵去茹芝薪桂卧巖阿

夜坐贈士敬

萬里人將別中秋月欲圓清光滿天地離恨在山川
重露連床後踈星秣馬前空樽坐相對霜髮兩依然

心臺夜卧

秋光忽復過重陽獨卧空堂感慨長佳菊散庭生素
月高風送鴈落清霜濁醪難與時人醉白髮誰憐故
態狂謾憶東山申學士去年今夜寄詩章

憶圃陰東遊用前韻

蠟屐遙傳過正陽鴈門東面海天長黑雲衣濕九龍
雨紅葉身穿萬木霜濤壯廣陵能起疾山竒霞客却

成狂花源仙尉應相遇唱和新詩有幾章

族兄

盛後氏挽癸巳

兄有古人意今時復見難愛詩踈世俗失職忤權奸
妻子棄窮巷銘旌書舊官楊山掩凍壙親友共悲歎

其二

人羨青門宅東西棣萼連隔墻花共發對卷句相傳
凋謝在半歲差池歸一阡從今韋氏會春色減華筵
族孫夏行挽

已短他人氣何論父母懷癡如更相見忽忘已深埋
筆硯置虛座江山餘舊齋塞悲何事在乞嗣願初諧

七月晦夜夢見士敬賦圃陰哀詩覺而不能記
仍輾轉不寐時余病卧東庑叔氏將歸雪嶽
有約歷別病懷悽悵遂有斯作

大化無淹機天倫有至情悲哉圃陰宅秋草忽已盈
菽苒早摧折衆藥猶羅生念茲初種時常恐未滋榮
寧知到今日物在身已傾虛堂若有人舊僕猶掃庭
時來視孤兒撫跡每失聲周覽將何見悵然空坐楹
蕭條半篋書夙志聞六經萬恨盈中懷百年那可平
中宵卧東郊恍惚夢常驚白露霑野草賓鴈欲南征
感此意更傷枕席淚縱橫抽哀綴此辭惻惻望東行

示誠仲甲午

積雨未云霽南風柳葉翻鋤歌來遠隴村馬立高原
愛芋頻巡圃看萱獨坐軒鄰家來乞竹自爲斲新根

其二

跡遍幽燕界歸休一弊廬踈蓮透映荒晚笋忽穿除
病益輕醫藥貧惟力菜蔬不妨爲故舊時作乞官書

其三

世故何曾了吾衰合掩扉田牛飽草卧梁燕得泥歸
滿瓮營松釀稱身製葛衣只因知足早事少與心違

其四

散髮常高卧開窓綠竹中
稍邊明落日桑末過清風
懶讀書安用狂吟句或工
城中襍被客來去恨忽忽

其五

有徑蓬蒿塞無扉藤刺橫
晚涼池上在新月雨中生
看竹誰能到開樽獨自頽
無端懷往事流淚忽沾纓

其六

苦熱睡頻覺還嗟夏夜遲
常因窓外竹獨聽雨來時
風靜鐘應到雲過月更窺
夢中逢逝者嗚咽每驚疑

其七

微月入雲久鄰雞唱亦遲
賣瓜人向市沾露鵲移枝

跡以沉綿晦詩無老大悲
百憂仍輾轉旁榻斲無知

其八

老卧應吾事高齋早揭名
農專妄營損病久道心生
倦燕歸梁息荒筠與草縈
故人分羨酒知我尚親觥

其九

老柳皆垂地柴門路欲迷
風池白蓮動露隴綠秧齊
鷺下移時立鷓來盡日啼
西鄰有好友相過每携藜

次士敬楹字

桑陰歸卧屋三楹早稻初
聞嚇雀聲乍別庭花紅子
結又看階竹綠孫生老來
始悔看書少閑處差能見

事明幸免烏紗晷皓首優遊農圃守愚情

再疊寄遠心庵

獨思之子守巖楹夜雨應添衆澗聲四壁書藏白雲
濕一鐺茶煮翠烟生壇因古石苔偏綠窓對虛池水
自明願把庵名時玩省百年丘壑保斯情

三疊

初從山外望窓楹路入松陰澗水聲歷歷琴壺巖下
散踈踈花竹洞中生境清始覺形無累慮澹何憂理
不明深欲與君同歲暮領詩應識老夫情

四疊

悲哉秋氣入吾楹撼撼高梧已動聲大化有機知孰
運百年如醉恐虛生檢書古篋青燈落倚劒空床缺
月明腸斷青軒非宿昔雪山回首更勞情

五疊

尋常一坐在東楹長日門無剝啄聲佳稻翻風晴色
好亂蟬噪樹晚涼生天清八表孤雲度水活方塘萬
象明爲報楓溪舊詩伴寧將榮辱芥吾情

次士敬

古石猶存砌清泉自滿池不知何代址如與此心期
松逕新開畫茅齋已入詩雲峰對日夕寧復世氛隨

訪遠心庵疊前韻

松風吹磴遠深澗到來遲山暝藤懸樹庭空水滿池
披雲偶乘夕憇石獨移時之子留精舍臨溪問後期

集遠心庵次士敬韻

落落松緣澗脩脩竹映壇清風覺蕭爽久疾欲蘓完
散帙新齋靜尋泉古壑寒留連山日夕嵐翠滴杯盤

遠心庵同賦臺字

人世煩襟得暫開夜涼風露在西臺新渠正受峰頭
月坐玩金波久未回

次申正甫

靖夏

每憶年前醉菊花海松林下共婆娑狂吟自笑頗成
癖好事誰知輒有魔今日佳期秋雨滯向來離思水
雲多知君更欲湖亭去菰熟魚肥正可誇

其二

蕭蕭短髮白參差久矣人間歛跡宜老守稼齋應我
分薄遊燕市駭當時新秋啁雀知田熟落日驚蟬擇
樹移晚得詩名真可笑諸君只合護吾癡

其三

誰知一會苦參差塊卧空齋雨不宜林靄停雲相望
夕蟬清數日獨聽時詩人溪閣留應宿釣艇秋江興

欲移却把文章詢野老似君難免號書癡詩人指鄭後僑文章

云云正甫以文稿送示要令評點辭而不受

蔡兵使以章挽

獨倡扶倫義軍門一校卑凶徒皆欲殺愚婦亦稱奇
第起霜戟列名光青簡垂知君輕死久我輩復何悲

次叔氏移枕心臺漫吟韻

未甘衰疾受人憐裘馬幽燕夢尚辛自晒壯心同老
驥謾將高詠學秋蟬死生事大應天定藥石功踈且
目前說向吾兄同一笑聯床無日不夷然

其二

兄偏閑靜弟狂顛及至形表兩可憐露冷蟬腸元少
食夜長鰥眼更無眠蕭條意似秋塘藕行動艱如陸
地船可笑兒孫猶課讀庶幾成立見生前

其三

一疾沉綿且苟全稼齋歸卧聽高天乘除得失千畦
芋俯仰炎涼半沼蓮旋得詩篇連續寄不妨床簀後
先遷衰年骨肉宜無遠願對衡門互度阡

再疊前韻

名山未到已華顛陋矣吾生亦可憐月好松臺誰與
看霜淒板屋竟孤眠雲間近有耕巖犢花下曾無入

洞船漫記傳聞聊自慰不堪持寄我兄前

其二

計拙由來樂亦全隨緣差近不違天田園風味瓜連
栗籬落秋光菊遞蓮晦跡却無深淺異玩爻粗識吉
凶遷藤溪未必能勝此何用崎嶇歷澗阡

謹次叔氏曉場冷雨念病兒傷敗用前韻抒憂

之作

忘生徇欲實哀憐狂惑何人不被瘁盡勇却非爲顧
虎凝神可惜用承蟬探珠危事常僥幸獻玉頻刑肯
創前休說負戈征戰險功成猶得勒燕然

又和前韻

多見工夫未十全滔滔皆是妄希天百錢買紙空耗
產連歲宰雞無警眠羨雋孰能歸結網濟河無不勇
沈船只圖呈券將焉用瞞過妻孥且目前

謹次叔氏次放翁韻

坐知桐柳減繁陰對榻高齋曉晚心藥餌久同城郭
苦琴書孤返薜蘿深重陽短菊花應艷滿沼衰荷露
早侵明日衡門愁獨立暮山寥廓響村砧

再疊

久矣吾蹤斷圃陰人亡事事可傷心兒拋日課頭空

老翁齋集 卷之五 十一
斬門掩秋蕪巷更深簷杞自長清露滑床書猶在素
塵侵磬溪歸路腸應斷羨上荒墟又暮砧

謹次叔氏又次放翁韻

眼看世事萬般新身隱松溪淺水濱生子當如柱五
氏有兄堪比葛天民蟹稀前渚時應過芋喪千畦運
固貧猶喜栗林黃落近渾家方待葉爲薪

謹次叔氏過妙寂洞口韻

棲鷗巖邊望逝波回思往事豈云遐競呼釣艇春江
濶侍坐書樓遠岫多陳跡雲烟歸變滅遺墟蔓草恨
如何眼前歷歷三洲在始悟恒河是舊河潤一作暖

其二

古徑穿雲碧蘚封呼鷹尚憶上前峰先生獨坐臨寒
瀑老釋自歸鳴晚鐘滿榻凍雲聞卧詠開門大雪失
來蹤無人更識當時事欲說前遊意轉慵

謹次叔氏曉吟韻

耿耿空床苦少眠堪愁遲夜遇衰年風流亂葉桑如
雨霜送哀音鴈度天竒翼徘徊八表外殘軀輾轉四
更前墳甍有感斯相應枕上詩多不記篇

曉次放翁枕上偶成韻

青驃昨日稅蘆門澗道蒼涼葉滿村半嶺人烟松磴

細沿溪虎跡，籬籬昏衰懷。兒女聊相對，秋事鄰翁試。
與論病弟襟，軒勞悵莫踈。詩句寄鷓原。

乍同彥兒觀穫前野疊前韻

乍覺身輕試出門，蹇驢馱我過前村。沙暄少渚魚遊淺，
野遍繁霜稻色昏。豆蔓盡凋呼婢穫，芋田須賣共兒論。
歸時病眼明何處，一樹丹楓映北原。

次放翁秋夜韻

獨卧寥寥詩自成，虛窓忽見夕陽明。青銅久掩不照影，
雄劍猶親如有聲。水落遙梁送魚至，雲歸寒峽送兒行。
幽燕少展桑蓬志，不恨田間了此生。

其二

卧數生平百不成，孤懷耿耿向誰明。詩衰只作寒蟲語，
睡淺先聞遠鴈聲。竒士得於詩上見，名山時向夢中行。
人來罕遇柴門啓，滿徑秋蕪白露生。

次放翁感秋韻

兒時志願識英雄，晚歲傾身事圃翁。駟馬無憂猶可慕，
簞瓢有樂不妨空。天長老鴈遙歸碧，秋暖殘花未斂紅。
髮白身衰意無限，斷臯扶杖立西風。

往西疇畊小麥歸路過佛堂

家人種麥在西疇，我亦隨來半日留。道上官人張蓋

去松陰行客傍壚休霜天更暖田蛇出禾稼將空野
雀愁轉往佛堂僧不在但觀瓮井悵悠悠

翌日往新屋視種麥倦卧少睡鄰客有來問此
屋當歸何子

誰譏我屋在途邊松際新簷久翼然北漢橫雲樓堞
見東臯有徑佛堂連十年規畫先栽木兩日徘徊爲
種田傳子傳孫誰復識小軒蕭灑且閑眠

日暮歸家得京信

奴從城裏返柴門何事愀然久倚軒兒榜今朝消息
靜兄書近日職勞繁草蟲吟斷墻陰冷霜鴈飛低野

色昏佳節重陽亦近矣菊花誰與泛寒樽

用前韻和伯氏

望見西山輒出門藍輿便已到幽軒溪明返照丹楓
疊崖受清霜紫菊繁石壁掛巾曾赤日天風落帽正
黃昏茱房未綴連枝遠應共諸人悵舉樽

其二

重陽新藻枉青門堪羨清遊在遠軒赤鳥登高佳友
命秋山覓句白雲繁菊花與世應相隔城市令人未
必昏頗恨白衣終不至日西林下對空樽

和李士復喜之

孤懷忽忽但憑楹聽盡天邊過鴈聲歲晚悲歌欲一
放人間何世寄餘生滿城搗練西風急深巷關門返
照明縱饒詩成來者識愁君難寫此時情

次杜詩秋興韻

東門老屋負青岑四望蕭條盡栗林墟落暮光烟火
迴水亭秋氣葦花深田境僅給王家口牛澤應虛有
里心可道柴門偏寂寞獵徒圍客每相尋

其二

塲稼初同菊有華松溪秋色老田家柴門葉脫千重
柳圃蔓霜凋五色瓜鄰曲壺觴頗爛熳城中歌吹正

喧譁虛亭獨上徘徊久天半新譙落日斜

其三

悲歌平昔自嗷唏身世于今竟此歸雪隴攀號餘翠
栢沙堤來往舊朱扉年光荏苒偷生久人事因循苦
志違寂寞稼齋伴劍宿五更霜月入空幃

雪隴地名

其四

昔我家人遇百罹天寒初到歇庵時乞糝燕谷爲朝
茹賣酒鷹巖繼夕炊嬌女衣裳移舊繡窮山井臼寄
踈籬秋來何事常難忘蒸橡無時奉我慈

其五

玉洞名園非世間，入門花鴨一雙閑。
朝衣退食清暉晏，春服趨庭五色斑。
萬事眼前桑變海，孤亭夜半澤藏山。
三年不踏溪邊路，古柳依依忍更攀。

其六

茫茫匹馬出遼東，萬里中原入眼中。
華表長城空舊蹟，金臺易水自悲風。
千重雪嶂居庸口，百歲春光暢苑宮。
屠肆英雄識一二，別來書信許相通。

其七

千里全家徙朗州，天涯樂土四年留。
鳩林美酒清疑水，曹老高談好破愁。
通夜樛蒲梅院鬧，三冬馬史竹

房幽他鄉勝事，腸堪斷尚遣居人說舊遊。

其八

西山楓檜百年池，我輩追遊亦一時。
羣會定而常善謔，初筵士敬已陳詩。
巖間流水春盃洗，亭畔繁陰夏榻移。
人事風光俱夢幻，新齋突兀又堪疑。

漫吟

日晚空墻對菊花，四鄰多事獨留家。
松溪水淺歸魚急，箭野風高過鴈斜。
地僻故人那易見，身衰小疾亦難差。
今秋懷抱增蕭瑟，猶倚吾村酒易賒。

同厚姪次放翁與兒輩夜坐韻

未移
頗恠沉痾久未蘓秋來忽自出庭除吾家白酒三分
熟前野黃雲一半無觸眼籬花能發詠隨身竹杖尚
要扶不勞關節申邦禁我自艱書右臂枯

次放翁早秋韻

眼暗頭旋六十翁閉門深卧似逃空前溪水冷懸魚
網老屋窓疎任竹風偶對病感嗟世故聊呼懶僕問
田功今朝獨喜知何事應有詩筒自畎中

其二

嗟嗟我姪亦成翁自道今朝輔齒空城市虛過菊花
節壺觴來就竹林風欲除貧賤傷無策猶有詩書願

勉功玉洞歸然華屋冷又携妻子下湖中

次厚譙圃陰感懷次唐人韻

墻陰冷色積秋苔槐下雙扉喚始開虛室曖然人似
在荒郊病起我能來頑孤挾冊從鄰學聾僕求柴趁
祭迴命駕名山前歲事舊驂猶在使人哀

厚姪往藥溪爲送百淵之行也歷宿東庄共次
唐人韻

木脫鴻歸悵暮天相携共立碧梧邊山多不見吾兄
處馬緩難追百里烟萬慮縈懷那可道一詩憑袖願
歸傳定知杖屨飄然邁汝往能陪幾夜眠

又次放翁韻
桂落楓凋自有期，竟移衾枕石淵帷。已知落落都無戀，欲挽區區但見癡。玉洞病兒追執袂，稼齋衰弟悵支頤。維摩乞食歸山晚，杉屋天寒更伴誰。

次山海關秀才李養和海樓韻

洪濤日夜拍城層，突兀兀危譙恐不勝。海氣晴來時見市，天雲垂處却疑鵬。山河勝槩千年在今古，英雄幾箇登卽覺壯觀。堪起疾誰能七發，待枚乘。

次遠心庵韻示士敬雨以族姪

愛看秋山山忽暝，遙聞谷口有人聲。捨琴來坐風亭

上酒在山樽却忘傾

其二

林鳥皆歸我不歸，病軀猶耐夜霜飛。山昏不用愁無月，一路黃花燦有輝。

到反聽軒爲純行待榜，次主人韻時寤齋在坐。

論其胤科作得失，仍及少時塲屋事故。頸聯

及之寤齋定而號

郊扉稼納役車閑，步屨來看郭裏山。舊友逢迎阡陌上，高堂談笑菊花間。後生可畏難輕視，往事堪悲不再還。卒歲優遊聊爾耳，敢言透得利名關。

心臺要定而仲平士敬小集雨以純行同之臘
月二十夜也士敬先送竹盆使童子抱琴隨
至賦一律遂用其韻同賦

琴隨竹至畫屏依摠為高齋有別離城闕雪深留客
夜郡庭梅待下車時地黃羨酒家初釀鍋熟新羹手
自治此去政聲何必問知君到處口為碑

廿八夜再集次叔氏寄定而韻

寒夜相留燈火踈蕭蕭五馬立窮廬分符子有南州
適飲酒人無北巷居梅福吳門歸日遠維摩丈室病
年餘鳳栖樓下梅成雪持比離愁恐不如

贈竹樹趙使君行州號樹綾

春雪南州路珠山皂蓋前有君為吏役到處有仙綵
交印梅登簿題詩竹滿田吾兄待命駕勝事更堪傳
贈趙定而竹樹之行

君騎五馬去悠悠千里綾州使我愁欲把上元明月
贈圓光難到鳳棲樓

其二

久矣心臺不見梅夢魂頻向巷東來故人作吏天涯
去一樹空齋獨自開

